

*Vir Prænobilissime, Excellentissime, Amplissime ac Experientissime, Collega honorissime, Fautor ac Amice à multis annis æstumatissime,*

**T**Empus quadraginta anno-  
rum jam plane effluxit, ex  
qvo in Celeberrima illa Ita-  
lia Academia, qvæ Patavii  
est, in intimorem Tui, ut notitiam  
sic & Amicitiam deveni. Ubi mox  
veritas illius in nobis illuxit, qvod  
Barclajus scripsit; Tuqve ex eo  
olim Philothecæ meæ Patavii infe-  
ruisti:

*Facilis est ingenuorum inter se conciliatio.*  
**C**umq; planè singularis illa humani-  
tas tua pariter ac benevolentia sta-  
tim in ipso familiaritatis initio quasi  
arctiori qvodam vinculo me Tibi  
devinciret, conservare eandem, qva-  
vis inserviendi promptitudine, omni  
tempore allaboravi, ulterioris Tui  
favoris fructus tandem aliquando  
certissimè mihi promittens. Jam li-  
cet ut corpore ita & animis separati  
videremur, cum Tu Vir Excellentissime  
consumatissima Tua studia Me-  
dica consecrares Lubecæ; Ego verò  
in Patria mea Dithmarsia Australi se-  
dem meam Praxin incipiens elige-  
rem, pia tamen fata ita voluere, ut  
& me per Matrimonii scilicet vincu-  
lum traheret ad se alma Lubeca, ele-  
gantissima illa Urbs, qvam jam in  
primis florentissimæ Juventutis meæ  
annis, & in imagine exosculabar, ut-